

Sáme Álbmot Bellodat Válgajahki 2011

Oktavuohhta + ovttasbargu = ovdáneapmi

Mii háliidat ahte Unjárga galgá leat buorre
ássanguovlu mearkkašahtti guovddážiin.

- Unjárgga gielddas lea ealli mearrasámi kultuvra gos lea nana giella ja danin ferte bissut sierra giellan ealli servodagain.
- Ovttas bargat gieldda ealáhusain ovdáneami dihti.
- Mánáide ja nuoraide addit nanagullevažvuoda gildi.
- Boarrásat lea riggodahkan ja sin máhttu ferte oážžut saji báikkálaš guovlluin.
- Bargat aktiivvalaččat Stuorradikki, Sámedikki ja Finnmárkku fylkkagieldda vuostá ovdánahttit Unjárgga servodaga.

Ealáhus ja ovdáneapmi

Sáme Álbmot bellodat háliida sihkkarastit bargosajiid dan bokte ahte doalahit árbevirolaš bargosajiid, ovdánahttit gieldda ealáhusaid ja háhkat ođđa ealáhusaid.

Fállat turisttaide iehčamet beroštumiid;

luonddueallin, jaskatvuoda, guolásteami mearas ja jávrriin, vázzinmátkkiid, scootersafariid.

Oažžut eambbo ijastanbáikkiid gildii.

Sáme Álbmot bellodat áigu:

- Oažžut rekrutteren ortnegiid vuoddoealáhusaide.
- Vuoddoealáhusaid ovdánahttit servodahkii.
- Vuodđudit vuostáiváldin rusttegiid vuoddoealáhusaid várás.
- Suodjalit guođuhan- ja ressursavuodu vuoddoealáhusaid várás.
- Addit stuorát doarjaga mielkeeriid oastit.
- Guolleoastinrustet stuoriduvvo regionála oastinrusttegiin.
- Govdunkáija doalahit ortnegis ja hukset káija Unjárggas.
- Movttidahttit guolásteddiid váldit vuodjinlobi turisttaid várás.
- Addit vejolašvuoda ovdánahttit turisttafitnodagaid.
- Veahkehit oažžut **service**- ja ijastanbáikkiid
- Doalahit finansierenortnegiid ja fállat álggahanoahpahuš sidjiide geat álggahit ealáhusaid.

Bajásšaddan ja eallin

Sáme Álbmot bellodat addá buriid vejolašvuodaid nuorra bearrašiidda ja ođđaássiide. Mii oaivvildat ahte vuorrasat olbmot leat ressursan ja sin galgá váldit vuhti go ieš guđege dárbbut čuožžilit.

Láhčit dili ovdáneapmái ja addit oadjebas identitehta gos posiitiiva árvvut ja guottut leat vuodđun.

Sáme Álbmot bellodat áigu:

- Ilbmán mánáidgárdde- ja asttoáiggefálaldaga gieldda mánáide.
- Viididit ja nannet geassebargofálaldaga gieldda nuoraid várás.
- Prioriteret valáštallan- ja nuoraidbarggu.
- Oahppoguovddáš fálaldat buoriduvvo álbmogii.
- Ruovttuveahkke- ja ruovttobuohccidivššár-ortnega nannet nu ahte boares olbmot sáhttet orrut ruovttus nu guhká go vejolaš.
- Nannet beaivefálaldaga boarrásiidda ja doaimmahehtten olbmuide doarjaga bokte báikkálaš servviide.
- Prioriteret mirkogeavahan barggu mánáid, nuoraid ja ollesolbmuid gaskka.
- Buoridit gieldda visttiid ja geainnuid.
- Bargat dan ala ahte ieš guđege guovllut čatnajuovvot okti vázzin- ja sihkkelgeainnuiguin.
- Ahte buot gieldda ássit ožžot govdobátti fálaldaga.

Sámi giella ja kultuvra

Mii háliidat doalahit min kulturaárbbi ja oažžut sámegiela oidnosii.

Girko- ja searvegodde bargu lea álohii leamaš vuodđun Sámi Álbmot bellodagas, ja mii háliidat bargat dan ala ahte girkus ain galgá leat sadji min servodagas.

Sáme Álbmot bellodat áigu:

- Oažžut guovttegielat diehtujuohkin almmolaš ásahusain ja geainnuid mielde.
- Ovdánahttit giellaguovddáža giellabarggu.
- Movttidahttit servviid ja ealáhusaid giellafuolaheapmái.
- Nannet kultuvraskuvlla ja fállat sámegiela fálaldagaid.
- Nannet gieldda kultuvraeallin.
- Bargat dan ala ahte Várjjat sámi musea oažžu mearrasámi našunála musea doahpaga.
- Oažžut mearrasámi biergasiid Builuvottas eambo oidnosiid.
- Vuodđodit ollesjagi doaimmaid diehtujuohkinvittis Ceavcegeađggis.
- Vuodđodit sámi báikenamaid arkiiva gildi.
- Ođassmahttit girku ja doalahit ortnegis ja čiŋahit birra girku.

Duodji

Duodji ferte ovdánit ja oažžut árvvu deahálaš kultuvraguoddin. Sámi Álbmot bellodat háliida ovdánahttit sámi árbevirolaš duodje oahpahusa gieldda ássiide.

Sáme Álbmot bellodat áigu:

- Fágabiras duodjeealáhusas šaddá buoret.
- Oažžut ovttasbargo-ortnegiid gaskkal mánáid/ nuoraid ja gieldda duodjáriid.
- Oažžut eanet oahppiliid duodjefitnodagaide.